

# QVÆSTIO MEDICA

528

## QVODLIBETARIIS CONCERTATIONIBVS MANE DISCVTIENDA IN SCHOLIS MEDICORVM DIE IOVIS IIII. FEBR. MAGISTRO IACOBO

PERREAV DOCTORE MEDICO, MODERATORE.

*An ileos lethalis?*

**H**OMO omnia, esse, vitam, sensum, mentem habet, non simul cuncta, sed successiue, incorruptibilia ens & mens, vita sensus morbis & morti obnoxia, illi lædunt ratione partis affecta, scilicet symptomatum, aut materiae furentis: hæc enecat extincto calore nativo. Cerebrum *ἀνὰ τὴν ἐκείνου* paraphoricis, phrenitide, mania, & melancholia quæ temperiem afficiunt. Cataphoricis lethargo, caro, catalepsi, apoplexiâ, (quæ qui ut hysterico affectu mortui censentur ad septuaginta duas horas seruandi), epilepsiâ, quibus conferunt masticatorium, sternutatorium, dropax, sinapismus, plus nocent quàm prosunt veficatorium, cauterium. *ἀνὰ τὴν ἑστέρας* dum os ictu inciditur, casu finditur, ictu colliditur, ossis fracti apparentibus signis, trypano vtendum, cui vt non periculosa operationi, nec locus, nec tempus determinatur, detecto osse & aperto siccantibus perficienda curatio.

**I**N vitalem scilicet facultatem angina, ipsi venæ sectio frequens sed parua quantitate, nidus hirundinis, laryngotomia. Pleuritis, cui imprimis phlebotomia, ex eodem latere ad coloris mutationem si dolor ad iugulum: si ad hypocondria etiam in principio purgatio cucurbitulæ (venæ sectionis minime vicariæ) nonnumquam parti admotæ: in statu pleniori victus: bonum spiritum non semper salutare: eâ affecti non purgati purulenti euadunt, vnde empyema; factum si anacatharsi pus expectoretur, aut per vrinas amandetur: à pulmone per aluum lethale: naturæ debiliori sectio, vltio intra secundam & tertiam costam pyrotyco admoto sæpe opem fert. Cor, (febrim subiectum, quarum & interpolatarum & continuarum materia intra venas stabulatur) peste, palpitatione, syncope tentatur, quibus non opitulatur aurum portabile, sed confectio alkermes, de hyacintho.

**R**OPRIOS & patitur manes naturalis facultas. Stomachus phlegmonem cui tenuissima diætæ, sed purgatorium, nec vomitorium concedendum, frustra que paratur diarrhodon. Hepar & lien schirris opportunissima. Hydrops triplex, ascites, cui lactis vsus, succus radices ireos, diacurcuma, punctio in vmbilico facta: tympanites, electuarium diacarthami, infusio agarici: anasarca huic soli phlebotomia. Genitales partes infestant gonorrhœa, priapismus, à concubitu lues venerea: mercurius ipsi non alexiterium: vteri præfocationi præfens remedium coitus, semen corruptum etiam comminans mortem ex vteri claustro elideretandam: parum abigere impium, quod ne præstent, grauidis sola febre intermittente correptis, diætæ tenuior, sanguinis inissio: pharmacum non præscribenda. Intestinis sua morborum cohors: à deprauata, vel collapsa peristaltica ipsorum naturalis facultate præstantissima, cuius officio vita diu carere non potest, iliaca scilicet passio sobolescit.

**I**NTESTINA sex, tria duodenum, ieiunum, ileon tenuia, transponendo, digerendo, segregando chylo dicata: cæcum, colon, rectum crassa, excipiendis & egerendis fecibus deputata. Alui fluoribus, & interceptis excrementis ipsorum præpeditur naturalis cœconomia siue à toto corpore, hepate, liene, aut intestinis primariò affectis, diarrhœa, cœliacâ, dysenteria, colico dolore, ileo, in quo inferiori interclusa via, nec flatus, nec excrementa egeruntur, ex obstructione intestinorum ab inflammatione, vlcere, tumore, excrementis retentis, veneni portione, intestini in scrotum prolapsu, non tenuiorum tantum, sed & crassiorum affectus: à stranguria ortum non trahens huius concomitantia signa & symptomata scilicet supra vmbilicum dolores, æstus circa hypocondria, tum infra cruciatus ad aluum, sitis, vomitus cibi, chyli, humorum, vermium, fecum, fætor totius corporis, tremor cordis, extremorum frigiditas, sudor frigidus.

**D**IARRHOÆ, cœliacæ, lientericæ conferunt rhabbarum, hiera Galeni, agaricus, triafantaloni, caro cidoniorum, diacodion, syrupus de duabus, vel quinque radicibus. Dysenteria (quæ ab atra bile lethalis) non phlebotomiam, non leuem coitum, sed cautissimè auerfatur. Colicum dolorem curant balnea, acria & lenientia enemata, nonnumquam refrigerantia, aquæ frigida potus, amplatucurbitula. Ileosi (et si ars parum valeat) iuuant diætæ, ab inflammatione per basilicæ venæ sectionem, purgationem: clysteribus, fomicupijs, fotibus malacticis, si à crasso & duro excremento; ab enterocèle iisdem, & intestini in proprium situm reductione: alexipharmacis si à veneno, prognosi mortis facta, tumque fidentius si adultus aut senex, si parotides assurgant, vrina intercipiatur, vomat, obfuscescat æger, vt nulli alteri remedio locus quàm ægro dicere, Domine miserere mei.

*Ergo ileos lethalis.*



Propugnabat ANTONIVS LE RAT, Syluaneæensis.

Anno 1616.

DOMINI DOCTORES DISPVATVRI

M. Ioannes Mannoir.  
M. Claudius Gervais.  
M. Franciscus Guenaut.

M. Michael Francier.  
M. Ioannes Merlet.  
M. Gabriel Harduinus de S. Iaques.

M. Quirinus le Vignon Decanus.  
M. Dionysius Guerin.  
M. Iacobus Letus.